

Zebarri?

U R L A T I K L A N D E T A R A

ESKORIATZA ETA LEINTZ GATZAGA / Egubakoitza / 2004ko martxoaren 26a / 160. zenbakia

KOORDINATZAILEA: Mirari Altube • Durana 11 20550 ARETXABALETAKO • Tel.: 943 79 86 21 • Faxa: 943 77 18 54 • Posta elektronikoa: zebarri@goiena.com • Lege gordailua: SS200/99

Izartu programan parte hartu nahirik, bere proposamena egin du Udalak

ZURIÑE VELEZ DE MENDIZABAL

Santa Marina eta Aranburuzabala kaleak urbanizatu; bidegorria egin; lur azpiko edukiontzi gehiago jarri eta soinu-langak ezarri. Udalak Eusko Jaurlaritzari aurkeztuko dion proposamena. Eta proiektu horrek, guztira, 4.367.859 euroko aurrekontua eskatzen du.

Udalak ekipamenduetan gabezia duten herriko txokoak gizarte eta ekonomia mailan biziberritu eta berpizteko dirulaguntza eskatzea adostu zuen martxoaren 18an egindako ezohizko bilkuran. Gutxieneko inbertsioa 2.500.000 eurokoa da, eta egitasmoak gainditu egingen du zenbateko hori.

PROIEKTUAREN NONDIK NORAKOAK

Eusko Jaurlaritzaren Izartu programaren bidez diru eskaera egingo dute. Baina dirua jasotzeko baldintza batzuk daude: hirigunean bizi den populazioaren bilakera negatiboa izatea, heziketa maila txikia, lan-merkatua egoera txarrean egotea, etxebizitzetako instalazio eta zerbitzuen maila EAEko batez bestekoa baino txikiagoa izatea eta biztanleko Bar-



Herrian lur azpiko edukiontzi gehiago jarri nahi dituzte, eta egitasmoaren barruan sartu dute.

ne Produktu Gordina EAEko mailarena baino txikiagoa izatea. Betetzen diren baldintzen arabera, Eusko Jaurlaritzak diru kopuru bat edo beste bat ematen du.

Herrian plazatik gorako aldea berritu gura dute, bost baldintzetatik bi betetzen dituelako.

Zerbitzu guztiak berritu gura dituzte Dorleta auzoan; Santa

Marinako 48 etxe diruz lagundu nahi dituzte; Aranburuzabala kalea urbanizatu; bidegorria jarri... Irailerako erantzuna edukitzea espero dute Udalekoek.

Plazatik gorako aldea biziberritu eta berpiztu egin gura du Udalak Izartu programa bidez

Aurreikusten duten inbertsioaren %30 jasotzea espero dute Udaleko ordezkariak

Irailerako Eusko Jaurlaritzak proiektuari buruzko erabakiren bat hartzea espero da



Ogi-mamiak dastagai domekan herriko plazan

Arrasateko Corazon de Encina elkarteak antolatuta, ogi-mamien eguna ospatu zuten domekan herrian. Eskoriatzako plazan Extremadurako jaki tipikoa dastatzeko aukera izan zuten herritarrek. Ogi-mami txikitua berakatzekin batera frijitua eta hirugihar eta piper-gorriekin lagunduta; horrela prestatzen da. Duela zortzi urte hasi zen Arrasateko elkarteak egun hau ospatzen, eta ibarreko hainbat herritan egin dute dagoeneko; bigarrenez herrian. /Z.V.M.

LABUR

Internet bidez Etxebideri buruzko kontsultak

Herrian jende asko dago Etxebide programari lotuta. Orain, bakoitzaren espedientea kontsultatzeko Internet erabili daiteke, webgunea martxan jarri dute eta. Sarearen bitartez, kontsulta mordo egin daitezke: norberaren egoerari buruz, egindako eskaera onartu den... Baina ez da ematen den zerbitzu bakarra. Etxebizitza bat erosi edo alokatzean sortzen diren zailtasun, zalantza eta eragozpeni buruzko aholkuak jaso baitaitezke www.etxebide.info helbidean.

TELEFONOJAKINGARRIAK

ESKORIATZA

Udaletxea	943 71 44 07
Udal bulegoak	943 71 45 32
Udaltzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Luis Eceiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Axtroki	943 71 40 77
HUHEZI	943 71 41 57
Osakidetza	943 71 44 52
Telesko	943 71 49 17
Taxiak	943 71 40 59

BESTELAKOAK

Eskualde ospitalea (Arrasate) ..	943 00 53 00
Gurutze Gorria (Bergara) ..	943 76 55 76
Ertzaintza (Arrasate) ..	943 79 71 99
Suhiltzaileak (Oñati) ..	943 79 28 00
Renfe (Zumarraga) ..	943 72 15 15
Renfe (Gasteiz) ..	945 23 20 30
PESA (Arrasate) ..	902 10 12 10
Larrialdiak (Arrasate) ..	943 77 10 43
SOS Deiak ..	112

OHARRAK

HITZALDIA

Amuskak antolatuta, eguaztenean, hilak 31, hitzaldi bat egongo da kultura etxean. *Los hijos de la luna* izena duen mintzaldian, Daniel Barandiaranek egingo du berba.

BENIDORMERA BIDAIA

Olazar elkarteak antolatuta, Benidorm aldera irteera egingo da apirilaren 24tik maiatzaren 8ra. Autobus bat joango da herritik, eta 55 pertsonarentzako tokia dago. Oraindik ere geratzen da tokiren bat edo beste. Informazio gehiago nahi izanez gero, elkartera jo interesatuok.

AXTROKIRENAGENDA

JAI BEREZIA

Haurrentzako hitzordua izango da apirilaren 6an, martitzena. Egur horretan, Tortolis ludotekara gerturazten direnek *Jai berezian* parte hartzeko aukera izango dute, Axtrokik antolatuta.

Informazioa eta Komunikazioa ikasteko aukera HUHEZIn

Z.V.M.

Mondragon Unibertsitateak Eskoriatzan duen fakultateak 2004-2005 ikasturterako eskaintza akademikoaren berri eman du, eta ikasketa berri bat aurkeztu dute: Informazioa eta Komunikazioa. Bestalde, ate irekien jardunaldiak antolatu dituzte hiru egunerako.

Eskoriatzako Humanitate eta Zientzien Fakultateak datorren ikasturterako programa aurkeztu du, eta ate irekien jardunaldiak prestatu ditu.

ESKAINZA AKADEMIKOA

Betiko Irakasle ikasketak egin nahi dutenek lau esparrutan izena emateko aukera izango dute datorren ikasturtean: Atzerriko Hizkuntza, Hezkuntza Berezia, Heziketa Fisikoa eta Haur Hezkuntza espezialitateak eskainiko dituzte.

Baina eskaintza berririk ere aurkituko dute ikasleek datorren urtean Eskoriatzako fakultatean. Informazioa eta Komunikazioa ikasketa aurkeztu zuen martitzenean HUHEZIn. Hurrengo



Ikasketa berria aurkeztu zuten martitzenean Eskoriatzako fakultatean.

ikasturtetik aurrera hasiko da eskaintzen ikasketa berria. Aurkezpenean, HUHEZiko dekanok Jose Antonio Mendikute, Giza Zientzietako zuzendari Juanjo Otaño eta Gizarte Zientzietako

koordinatzaile Jon Sarasua egon ziren. Hausnarketa luze baten ondorioz antolatu den ikasketa berria da, hurrengo urteetako beharrei erantzuteko pentsatua. "Landu gabeko arloa da, eta bide

interesgarriak eskaintzen ditu", aipatu zuen Sarasuak, "hainbat tokitatik dagoen eskaria asetzeko pentsatua". Sortuko diren profesionalen ahoz eta idatziz komunikatzeko gaitasuna izatea, gizartea ulertu eta irakurtzen jakitea eta informazioa kudeatzeko gai izatea dira, adierazi dutenez, dituzten zenbait helburu. Beraz, praktikek garrantzi handia izango dute ikasketa berri horretan.

Informazioa eta Komunikazioa ikasten dutenek hirugarren urtean Ikus-entzunezko Komunikazioa hautatu eta bigarren mailako zikloa egiteko aukera izango dute.

ATE IREKIEK JARDUNALDIAK

Bestalde, HUHEZIn ate irekien egunak finkatu ditu. Guztira hiru egunean banatu dituzte aipaturako jardunaldiak. Lehenengoa martxoaren 25ean izango da, 18:30ean, fakultateko areto nagusian. Bigarren jardunaldia apirilaren 29an egingo dute, eta hirugarren eta azkena, maiatzaren 13an. Hauetan parte hartu nahi izanez gero, Eskoriatzako Hezkuntza Zientzien Fakultatera deitza beharrezkoa da.



Segurara eta Aubixara joan ziren Ezeizakoak


Luis Ezeiza ikastetxeke laugarren eta seigarren mailetako 30 ikasle Segura eta Aubixa aldean izan ziren aurreko astean. Barnetegietan izan ziren, euskara praktikatzeko. Martxoaren 15etik 18ra joan ziren, eta ez zuten aspertzeko astirik izan: jolastu, ariketak egin... Segurara 17 ikasle joan ziren, eta bertan Mutrikuko beste hamaika gazterekin batu eta giro paregabe ederto pasa zuten elkarrekin. Gainera, eguraldia lagun izan zuten eskoriatzarrek. /Z.V.M.

LABUR

Udalekuetako begirale izateko epea zabalik

Eskoriatzako Udalak antolatuta, uztailean egingo diren udaleku irekietarako zuzendari eta begirale izan nahi dutenentzako deialdia luza du. Interesatuak martxoaren 31 baino lehen aurkeztu beharko dute curriculumak kultura etxean edo udaletxean. Bete beharreko baldintza batzuk daude: 18 urte beteta izatea eta euskaraz berba egiten eta idazten jakitea. Kontuan hartuko dira, bestalde, begirale titulua izatea, esperientzia, bizitokia...

BEIRALAN




KRISTALDEGIA

Laster denda berritua!

Herriko plaza 8, behea • Aretxabaleta • 943 79 81 78 / 670 997 274

Markoztatzea



IDORLETA

Aranburuzabala 22, behea
ESKORIATZA
Tel.: 943 71 51 20

ENRIKE MAZMELA BOLINAGA

HORTZ KLINIKA



Eduardo Gorosari 3-1. esk.
Tel: 943 71 47 36
Eskoriatza

AZKOAGA

ESTANKOA

943 71 48 77
Zure Zerbitzura

LABIDEAREN ETA TURISMO BULEGOAREN URTEMUGA

Urtebete beteko da domekan Labidea dendak eta Turismo Bulegoak ateak ireki zituztela

Z.V.M.

Domeka honetan, hilak 28, Labidea dendak eta Turismo Bulegoak urtebete egingo dute. Herria ezagutzera datozenentzat zerbitzu hobea eman nahirik ireki ziren biak. Hala ere, eguneroko erabiltzaileak ere baditu Labideak, herritarrak, alegia.

Labidea dendak eta Turismo Bulegoak urtebete egingo dute aurten. Gatz Museoko proiektuaren barruan dagoen egitasmoa da. Gatzagaren gaineko informazioa banatu eta herriari itxura turistikoa eman nahiak bultzatu zuen Udala bi lokalak irekitzera.

Herriari zerbitzu berri bat eman nahi zion herriko Udalak proiektu horrekin. Hasiera batean museoaren kontuak administrazioak eramaten zituen arren, duela urtebete, Amaia Olabe eta Aitziber Gorosabelen eskuetan geratu zen Labidea eta Turismo Bulegoaren kudeaketa.

Lehen urtemuga betetzear dagoen honetan, balantzea egite-

ko eskatu diogu Aitziberri. "Oso zaila da urtebeteko azterketa egitea, aurretik zerekin konparatzerik ez dugu eta". Edozelan ere, bai herritarren aldetik, eta baita kanpotarrendandik ere harrera ona izan dutela adierazi digu Aitziberrek. "Herria ezagutzera goizean goiz etortzen zirenek ez zuten non egon. Orain, kafea hartzeko, adibidez, hona etor daitezke".

Bestalde, gatzagarrek ere harrera ona egin diotela aipatu du: "Eguneroko bezeroak ditugu Labidean, herritarrak, alegia. Nahiz eta horiek erosketa handiak ezin dituzten egin, premiako kontuak edo ogia erostera etortzen dira, esate baterako".

"Urte ona izan da; bisitari asko eduki ditugu, eta oso pozik geratu dira herriko aberastasunekin"

Jende askoren beharrak asetzeko baliagarri da herriko denda.

MUSEORA BISITAK

Bisitarien kopuruari dagokionez, "gora doa urtetik urtera", adierazi du Gorosabelek. "Esaterako, duela bi aste hogeit hamar pertsonako talde bat etorri zen herrira. Ez zuten museo bakarririk ikusi, herriak dituen askotariko aberastasunak erakutsi genizkien: Dorletako Santutegia, herritik pasatzen zen trenbide zaharraren ibilbidea...".

Aurrera begira eskaintza zabaltzeko asmoa dutela adierazi digute kudeatzaileek. "Informazio liburuxkak egiteari beharrezko deritzogu". Bestalde, "museoak funtsean orain arte bezala jarraituko du", nahiz eta urtean zehar hainbat gauza aldatzen dituzten; dendak ere bere horretan jarraituko du. Herria ezagutzera datozen gehienak azkenaldian Donostia aldetik datozela adierazi digu Aitziberrek. "Bizkaiko herri txikietatik ere etortzen dira. Bisitari gutxien Arabatik etortzen da, normalean, euskaltegietatik bidaian".



Inaugurazio eguneko argazkiak ongi erakusten du herritarren harrera ona.

ARTXIBOA



Toki Eder elkarteak batzar orokorra egin zuen

Toki Eder elkarteak batzar orokorra egin zuen pasa den domekan, hilaren 21ean. Leintz Gatzagan egin zuten bilkura. Bileraren bitartez, hiru batzordekide berri sartu ziren elkartean, eta bi urtez egongo dira kargu horretan: Alberto Altube, Jasone Elkorobarrutia eta Julio García. Horren ondorioz, beste hiru kideri kargua uzteko ordua iritsi zitzaion: Jon Barandiaran, Luis Mari Zubillaga eta Alberto Oñateri. Bazkide gehienak elkartu ziren domekako bileran. / Z.V.M.

LABUR

Askotariko gaiak landu ziren egunen bilkuran

Hileko azken egunetan oso bilkura egiten dute herrian, eta atzo ere, horrela egin zuten. Hainbat gai jorratu zituzten atzo arratsaldean Udaletxean. Besteak beste, aurreko akten onespina egin zen; Okondoko baso ustiapenak esleitzeko eta mendi publikoetan hainbat banaketa esleitzeko baliatu zuten atzo arratsaldeko bilera. Udal ordezkariak Debagoieneko Mankomunitateko lurralde antolaketa zerbitzua ere izan zuten mintzagai.

- Sukaldeko tresneria
- Lapiko lasterrak
- Zartagin eta paella-ontzi

Aingeru ibiltokia 3
Tel.: 943 71 41 31 Eskoriatza 20540

LENIZ, C.B. KONPONKETAK

TXAPA, MARGOA eta MEKANIKA

Aingeru ibiltokia z/g. • Tel.: 943 71 50 61 • Eskoriatza

JAR EZAZU
HEMEN
ZURE
PUBLIZITATEA

Aretxagazeta



IRAGANA GOGORATUZ

Medikuntza Debagoiengan


Martitzenean, martxoaren 30ean,
20;30ean



Goiena Tebista

**Ikusiko
duzu!**

IRAGANA GOGORATUZ
Goienak eta Fagor-ek lankidetzan egindako saioa



HELDU DA UDABERRIA

Jaunartze erreportajeak

M^o JESUS ARGAZKILARIA
Herriko plaza 10 Aretxabaleta



Zapatak

ZUBIA OINETAKOAK
Mitarate 14 Aretxabaleta



Vogue betaurrekoak

BEGIENDO OPTIKA
Loramendi 10 Aretxabaleta



Pan con chocolate soinekoa

HAURRAK UMEEN MODA
Lezama zantro komertziala 15 Aretxabaleta



Miranda jantziak

IRIARTE UMEEN MODA
Durana 8 Aretxabaleta



Ory bikiniak

XARMANTA OPARIAK
Gastainadui 21 Eskoriatza



Zuekoak

MARI KARMEN OINETAKOAK
Errekabarren 22 Aretxabaleta

